

სტ.კოდ: 010250020.35.121.016365  
გამოქვეყნების თარიღი: 22.02.2019



## ვანის მუნიციპალიტეტის საკრებულოს

დადგენილება N 10

2019 წლის 20 თებერვალი

ქ.ვანი

ვანის მუნიციპალიტეტის ტერიტორიაზე არსებული სახელმწიფო და ვანის მუნიციპალიტეტის

საკუთრებაში არსებული არასასოფლო-სამეურნეო დანიშნულების მიწის

ნორმატიული ფასის დადგენის შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „ე.გ“ ქვეპუნქტის, 61-ე მუხლის მე-2 პუნქტის, „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტისა და „სახელმწიფო და ადგილობრივი თვითმმართველი ერთეულის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის განსაზღვრის წესის დამტკიცების შესახებ“ საქართველოს პრეზიდენტის 2013 წლის 8 ოქტომბრის N784 ბრძანებულების, შესაბამისად, ვანის მუნიციპალიტეტის საკრებულო ადგენს:

### მუხლი 1

1. ქალაქ ვანის ტერიტორიაზე არსებული სახელმწიფო და ვანის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის განსაზღვრისათვის გამოყენებული იქნას:

ა) შესაბამისი დასახელების მაკრომდებარეობის ინდექსი -  $Img$ ;

ბ) ლოკალური ტერიტორიული ინდექსი -  $ITL$ ;

გ) საქართველოს საგადასახადო კოდექსის შესაბამისად არასასოფლო-სამეურნეო დანიშნულების მიწის 1 კვმ-ზე დადგენილი საბაზისო განაკვეთი -  $C$ ;

დ) მიწის ნორმატიული ფასის მარეგულირებელი კოეფიციენტი -  $K$ .

### მუხლი 2

ლოკალური ტერიტორიული ინდექსის სიდიდე ქალაქ ვანის ტერიტორიაზე განისაზღვროს 1,0-ით.

### მუხლი 3

მიწის ნორმატიული ფასის მარეგულირებელი კოეფიციენტი ქალაქ ვანის ტერიტორიაზე განისაზღვროს 100-ით:  $K=100$ .



#### მუხლი 4

1. მიწის ნორმატიული ფასი 1 კვმ მიწის ფართობისთვის ქ. ვანის ტერიტორიაზე განისაზღვროს შემდეგი ფორმულით:  $C_n = I_{mg} \times I_{TL} \times C \times K$ , სადაც:

- ა)  $I_{mg}$  - ვანის მუნიციპალიტეტისათვის შეადგენს - 0,37-ს;
- ბ)  $I_{TL}$  - ვანის მუნიციპალიტეტის საკრებულოს დადგენილებით შეადგენს - 1,0-ს;
- გ)  $C$  - საქართველოს საგადასახადო კოდექსით განსაზღვრულია - 0,24 ლარით;
- დ)  $K$  - ვანის მუნიციპალიტეტის საკრებულოს დადგენილებით განსაზღვრულია - 100-ით;
- ე)  $C_n = 0,37 \times 1 \times 0,24 \times 100 = 8,88$  (ლარი).

#### მუხლი 5

1. ამ დადგენილების მეოთხე მუხლის შესაბამისად, ვანის მუნიციპალიტეტის ტერიტორიაზე არსებული სახელმწიფო და ადგილობრივი თვითმმართველი ერთეულის საკუთრებაში არსებულ 1 კვმ არასასოფლო-სამეურნეო დანიშნულების მიწის ნაკვეთის ნორმატიული ფასი განისაზღვროს:

- ა) ქალაქ ვანის ტერიტორიაზე - 8,88 ლარით;
- ბ) ვანის მუნიციპალიტეტის სოფლების ტერიტორიაზე - 4,00 ლარით;
- გ) ვანის მუნიციპალიტეტის ტერიტორიაზე შიდა სახელმწიფოებრივი მნიშვნელობის საავტომობილო გზების 50-მეტრის რადიუსში - 6,00 ლარით;
- დ) დასახ. უბანთა შორის არეალებში - 3,00 ლარით.

#### მუხლი 6

ძალადაკარგულად გამოცხადდეს „ვანის მუნიციპალიტეტის ტერიტორიაზე არსებული სახელმწიფო და ვანის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ვანის მუნიციპალიტეტის საკრებულოს 2018 წლის 25 იანვრის N71 დადგენილება ([www.matsne.gov.ge](http://www.matsne.gov.ge), გამოქვეყნების თარიღი: 01.02.2018 წელი, სახელმწიფო სარეგისტრაციო კოდი: 010250020.35.121.016299).

#### მუხლი 7

კონტროლი დადგენილების შესრულებაზე განახორციელოს ვანის მუნიციპალიტეტის საკრებულოს ქონების მართვის, ეკონომიკური საკითხებისა და ინფრასტრუქტურის კომისიამ.

#### მუხლი 8

დადგენილება ამოქმედდეს გამოქვეყნებისთანავე

ალექსანდრე ლილუაშვილი

ვანის მუნიციპალიტეტის საკრებულოს თავმჯდომარე



